



Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 3/2022-imi Inatsisartut ilaliinissaannik siunnersuut: Nunat Avannarliit Killiit Siunnersuisoqatigiiffiata Islandimi, Kalaallit Nunaanni Savalimmiunilu naalakkersuisunut kaammattuutigaa pinngortitamik tunngavilimmik takornarniartitsisarnermut nunani avannarlerni killerni nunat periusissiat aqqissuussinerillu qulaajarneqarlutillu sanilliuqqarnannik ingerlataqaqqullugit, tassunga ilanngullugit nunani pineqartuni takornarniartitsisarnernup annertusiartorneranut atatillugu pinngortitamik atuisinnaaneq illersuinerlu, suliaasaqarfimmi suleriaatsit pitsaanerpaat suussusersineqarnissaat paasinialugu.

(Aallartitat siulittaasuat Doris J. Jensen)

(Siullermeerneqarnera)

Nunat Avannarliit Killiit Siunnersuisooqatigiiffianut qujanaq siunnersuummut.

Demokraatit tatigilluinnarpaat, takornariaqarneq maani nunatsinni aningaasaqarnermut kivitsisunngorumaarnera. Tamanna pisariaqartipparput. Ullumikkut imaappoq, maani nunatsinni isertitat amerlanersaat aalisarnermit Danmarkimiillu bloktilskuddinit pisaratsigit. Anguniagarisariaqarparput, bloktilskuddinik isumalluuteqarnerup appariartuaartinneqarnissaa, ilatigut takornariaqarnermit isertitat amerliartuarneri ilutigalugit.

Qularutigingilarput, Kalaallit Nunaata takornarianit pilerigineqarnera. Pinngortitaq pinngortitatsinnilu misigisassat immikkuullarilluinnartuupput. Tamakku takornariat misigerusuppat, akileerusullutillu. Aammattaaq eqqarsaatigisariaqarparput, apinngortitarput aserujasuummat. Taassuma kinguneraa, pinngortitatta takornarissanut pilerinartuaannarnissaa pissappat, paarilluartariaqaratsigu.

Taanna unamminartoq aamma Islandimi Savalimmiunilu misigivaat. Taaakkunani pinngortitaq immikkuullarissiq tassaamat, takornarissanik qammaasusoq. Taamaattumik pitsaassagalarpoq, Nunani Avannarlerni Killerni suleqatigiissinnaagaluarutta immitsinnut isummersoqatigiilluta, pinngortitamik tunngavilimmik takornariaqarneq pillugu aammalu pinngortitap paarinissaanut pisariaqartitsineq.

Tamanna tunngavigalugu Nunat Avannarliit Killiit kaammattuutaat tigulluarparput, pinngortitamik tunngavilimmik takornarniartitsinerup pitsaanerpaamik ingerlanneqarnissaanik isuma.

Demokraatilli kajumissaarutigerusuppaat, teknologip periarfissarpasui atorneqaqqullugit ataatsimiinnerillu atamarmik uunga siunertamut tunngassutillit qarasaasiaq atorlugu ingerlanneqaqqullugit, tunngavissanik takujuminaatsitaqaratta ornigulluni ataatsimiinnissamut piumasaaqateqarnissatsinnut. Qarasaasiaq atorlugu ataatsimiinnerit aammamaannakkut Naalakkersuisuusut angalanermut aningaasartuutaat qaffasissut appartinnissaannut ilapattuutaassammata.



DEMOKRAATIT
DEMOKRATERNE

Taamatut oqaaseqaateqarluta siunnersuutip akuersissutigineqarnissaa innersuussutigaarput.